



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2023:210750
Datë: 24.01.2024
Numri i dokumentit: 05234116

PA1.nr.1475/23

NË EMËR TË POPULLIT

GJYKATA E APELIT E KOSOVËS - Departamenti i Pergjithshem, në kolegjin e përbërë nga gjyqtarët Mehmet Ndrecaj, kryetar i kolegjit, Abdullah Ahmeti dhe Azra Cakolli, anëtarë, me praktikantin gjyqesor Arben Arifi, si procesmbajtës në lëndën penale ndaj të akuzuarit B.B., nga Fushë Kosova, për shkak të dy veprave penale Vjedhja nga neni 313 par.1 të KPRK-së, për të vendosur sipas ankesës së mbrojtëses së të akuzuarit, të ushtruar kundër aktgjykimit të Gjykatës Themelore në Prishtinë – Dega në Fushë Kosovë, P.nr.183A/23 të datës 10.10.2023, në seancën e kolegjit të mbajtur më datë 18 Janar 2024 mori këtë:

A K T G J Y K I M

Refuzohet si e pabazuar ankesa e mbrojtëses së të akuzuarit B.B., ndërsa aktgjykimi i Gjykatës Themelore në Prishtinë – Dega në Fushë Kosovë, P.nr.183A/23 të datës 10.10.2023, **VËRTETOHET**.

A r s y e t i m

Me aktgjykimin e Gjykatës Themelore në Prishtinë – Dega në Fushë Kosovë, P.nr.183A/23 të datës 10.10.2023, i akuzuari B.B., është shpallur fajtor për shkak të dy veprave penale Vjedhja nga neni 313 par.1 të KPRK-së, për të cilat veç e veç i është shqiptuar dënimi me burgim në kohëzgjatje prej nga 45 (katërdhjetë e pesë) ditë si dhe dënime me gjobë në shumë prej nga 100 (njëqind) euro, e në pajtim me nenin 76 të KPRK-së i është shqiptuar dënimi unik me burgim në kohëzgjatje prej 60 (gjashtëdhjetë) ditëve, në të cilin dënim i është llogaritur edhe koha e kaluar në paraburgim nga data 03.10.2023 e tutje por jo

me shume se dënimi i shqiptuar si dhe dënim me gjobe ne shume prej 200 (dyqind) euro e te cilën gjobe eshte obliguar qe ta paguaje pas plotfuqishmërisë se aktgjykimit.

I akuzuari eshte obliguar qe te paguaje shpenzimet e procedures penale qe dalin sipas llogarise perfundimtare te gjykates, ne emer te paushallit gjyqesor shumen prej 20 (njëzet) euro si dhe ne emer te fondit per kompensimin e viktimave te krimit shumen prej 20 (njëzet) euro e te gjitha keto ne afat prej 15 ditesh pas plotfuqishmerise se aktgjykimit.

Palët e dëmtuara Market ‘P...’ dhe Market ‘V...’ per realizimin e kërkesave pasurore juridike janë udhëzuar ne kontest te rregullt civil.

Kundër këtij aktgjykimi në afatin ligjor anekese ka ushtruar :

Mbrojtësja e të akuzuarit B.B., av.Blerta Shyqeriu nga Fushë Kosova, per shkak të vendimit mbi sanksionin penal duke propozuar qe aktgjykimi i ankimuar i gjykates se shkalles se pare te ndryshohet, dhe te akuzuarit per veprat penale per te cilat eshte shpallur fajtor te i shqiptohet dënim me i ulet me burgim dhe me gjobë e me te cilin dënim do te arrihej qëllimi i dënimit i parapare me nenin 38 te KPRK-se.

Prokurori i Apelit i Kosovës, duke u skjaruar përkitazi me ankesen e mbrojtëses së të akuzuarit B.B., me shkresën e vet PPA.II.nr.1509/2023 të datës 27.11.2023 ka propozuar që Gjykata e Apelit e Kosovës, ankesën e mbrojtëses së të akuzuarit ta refuzoje si te pabazuar, ndersa aktgjykimi i ankimuar i Gjykates se shkalles se pare te vertetohet.

Gjykata e Apelit mbajti seancen e kolegjit ne pajtim me nenin 390 paragrafi 1 te KPPRK-se, per te cilen prezantoi vetëm mbrojtësja e të akuzuarit B.B., av.Blerta Shyqeriu ndersa palët e tjera munguan andaj seanca e kolegjit u mbajt ne pajtim me nenin 390 par.4 të KPRK-së. Mbrojtësja e të akuzuarit në tërësi mbeti pranë ankesës së ushtruar me shkrim dhe propozoi qe e njëjta te aprovohet si e bazuar.

Kolegji penal i Gjykatës së Apelit të Kosovës, konform nenit 394 par.1 të KPPK-së i shqyrtoi shkresat e lëndës, vlerësoi aktgjykimin e ankimuar, pretendimet ankimore te mbrojtëses së të akuzuarit, dhe gjeti se:

- Ankesa nuk eshte e bazuar.

Edhe pse aktgjykimi i gjykatës së shkallës së parë nuk ankimohet për shkak të shkeljeve esenciale të dispozitave të procedurës penale, megjithatë Gjykata e Apelit e Kosovës të njejtin e shqyrtoi në këtë aspekt sipas detyrës zyrtare konform nenit 394 të KPPRK-së dhe konstatoi se nuk përmban shkelje esenciale të dispozitave të procedurës penale, e as shkelje të ligjit penal e të cilat kishin me kushtëzuar anulimin e tij.

As gjendja faktike nuk ka qenë objekt shqyrtimi ngase i akuzuari gjatë shqyrtimit fillestar të datës 05.10.2023 në bazë të nenit 242 të KPRK-së ka pranuar fajësinë për vepren penale për të cilen eshte akuzuar, i cili pranim eshte bërë në mënyrë vullnetare nga i akuzuari, pas konsultimit te mjaftueshëm me mbrojtësen e tij. Pranimi i fajësisë ka mbështetje në faktet që përmban aktakuza dhe provat që gjenden në shkresat e lëndës. Nga një gjendje e tillë e vërtetuar faktike del që në rastin konkret drejtë është aplikuar edhe ligji penal.

Sa i përket vendimit mbi sanksionin penal, mbrojtësja e të akuzuarit B.B., me ankesë pretendon se Gjykata e shkalles së parë me rastin e shqiptimit të dënimit unik me burgim dhe me gjobë, nuk i ka vlerësuar drejte dhe në mënyrë të duhur rrethanat lehtësuese si faktin se i akuzuari në fazat e hershme të procedurës e ka pranuar fajësinë për veprën penale të kryer, ka shprehur keqardhje, ka premtuar se në të ardhmen nuk do të kryejë vepra penale, e sikur këto rrethana të ishin vlerësuar në mënyrë të duhur është dashur që të akuzuarit të i shqiptohet një dënim me ulët me burgim dhe me gjobë se sa denimi i shqiptuar nga ana e Gjykatës së shkalles së parë e me të cilin dënim do të arrihej qëllimi i denimit të parapare me nenin 38 të KPRK-së, andaj ka propozuar që ankesa e mbrojtëses së të akuzuarit të aprovohet si e bazuar.

Gjykata e Apelit e Kosovës, vlerësoi pretendimet ankimore lidhur me sanksionin penal të mbrojtëses së të akuzuarit për shqiptimin e dënimit me të ulët me burgim dhe me gjobë, dhe duke i patur parasysh rrethanat e cekura më lartë dhe rrethanat e rastit konkret, Gjykata e Apelit konstaton se Gjykata e shkalles së parë drejte dhe në mënyrë të plotë i ka vlerësuar rrethanat lehtësuese dhe renduese nga neni 69 dhe 70 të KPRK-së të cilat ndikojnë në llojin dhe lartësinë e dënimit, andaj konstaton se denimi i shqiptuar me burgim dhe me gjobë ndaj të akuzuarit nga ana e gjykatës së shkallës së parë është në harmoni me shkallën e përgjegjësisë penale të akuzuarit dhe rrezikshmërinë shoqërore të veprave penale të kryera, andaj e refuzoi si të pabazuar ankesën e mbrojtëses së të akuzuarit, duke e vërtetuar aktgjykimin e Gjykatës së shkalles së parë, e me bindje se me denimin e shqiptuar nga ana e Gjykatës së shkalles së parë, do të arrihet qëllimi i dënimit të paraparë me nenin 38 të KPRK-së, respektivisht parandalimi i kryerësve nga kryerja e veprave penale në të ardhmen, të bëhet rehabilitimi i tij, parandalimi i personave tjerë nga kryerja e veprave penale dhe ngritja e moralit për respektimin e ligjit.

Nga arsyet e cekura më lartë, e në bazë të nenit 401 të KPPRK-së u vendos si në dispozitiv të këtij aktgjykimi.

GJYKATA E APELIT E KOSOVËS
PA1.nr.1475/23 më 18.01.2024

Procesmbajtësi
Arben Arifi

Anëtarët e kolegjit
Abdullah Ahmeti

Kryetar i kolegjit
Mehmet Ndrecaj

Azra Cakolli
